

涇野先生文集

涇野先生文集卷之二十九

後學北地李楨編校

題辭

題渭南處士任君廷實錫賑貧圖

辭榮孫利。上士猶有難色。捐財賑貧。里翁問。叟或脫然舉不意也。定於天者質也。成於人者習也。質龐者心惻。習懿者行良。晏平仲仕於齊。齊人待晏子而舉火者七十餘家。而晏子一狐裘三十年。至祀其先人豚肩不掩豆。夫晏子豈不欲利其身與先人哉。其所

處士有

彥方之
風拾之
補什中
似丹
日盡出
四都狀

志者固非夫人所能識也。山不吝材木。樵蘇咸適材。
木未嘗窮。水不吝魚鼈。罕網咸適。而魚鼈未嘗窮。蓋
有所預之者矣。故曰獨富不富。獨窮不窮。是故聖人
賑四海。賢人賑一國。善人賑一鄉。賑四海者四海咸
賑。賑一國者一國咸賑。賑一鄉者一鄉咸賑。之
處士已矣。而尔子孫嘉懋大則躋道階小則登臚仕。
如卓仰二子者詎可量也。是非處士之積哉。是非處
士之積哉。

有明山西叅政西澗先生秦公墓碑題辭

西澗志阻
于時有太
史氏之題
可瞑目矣
彼灸日錄
金者好細
量

嗟呼此吾友西澗秦公之墓也。方風俗之下流也。智
者固愚。強者輒懦。富者食貧。貴者蔑賤。共疚于心。獨
見于政。中宦不能劇其鋒。邊鎮不能折其翼。爾乃如
矢斯發。如斧斯劈。鋤強剋暴。剷貪刈頑。畿輔頌其明。
三晉安其公。然豺狼可問。而不能遜。奸僚之寔。貂璫
可喻。而不能解。撫按之羅。此固在外者之有。時數亦
在已者之有。義命也。君又何所究乎。

贈君月崖先生墓表題辭

贈君月崖趙先生者。曲靖太守丹山子元默之考也。

灑灑數
百言發
幽閨微
如繪人
之繪人
也

其墓在廣東順德縣之東北所配李宜人者合葬焉
墓倚石巖巖腹有洞洞顛一石其立如麕身其後如
牛尾其蹄如馬而首如狼首上一角歸立婉然麟狀
但少声音中黃鍾耳觀者奇之遂名其洞曰玉麟洞
夫洞石也非麟也麟殆其似之耳若為人子孫者含
仁懷義行步中規折旋中矩避必擇土翔而後處不
履生虫不折生草不犯陷穽不離罟罟文章彬彬乃
真麟也故其詩曰振振君子于嗟麟兮洞後有池曰
天湖夫湖都也大陂也湖而曰天豈惟可以運銅船

三尺童
子乍見
而欲赴
之者

而隱金牛。藏三山而收五渚哉。風可使分也。雨可使
起也。其視芍陂笠澤。皆如沼沚之細矣。君子于此以
求行健于天而自強不息者也。湖心構亭亭外雜植
松竹數萬株者何也。夫松東出岱畝而西挺嵩高壽
數千歲。或為青牛。或為伏龜。不惟可以長人之生。尤
可以比人之德。其棲鳶繫馬。偃蓋飛節。不足道也。故
曰歲寒然後知松栢之後凋也。夫竹也。翠實紫筠。繡
皮綠葉。或鳴鳳而來。鸞或似桂。而如松。蓋君子切磋
琢磨之地。逃也。亭栽蓮畜魚何也。蓮之為君子也。周

茂叔說之詳矣。鶴鳴之詩曰：魚在於淵，或在於渚。言事雖散于廣遠，而道則不下帶而存，不可以爲遠而忘之也。又曰：魚在於渚，或在於淵。言事雖在於目前，而理則深邃莫測，不可以其近而忽之也。然則丹山爲月崖先生之墓，其所取意者，高遠哉？或曰：丹山以爲靜養怡神之資，而子說之如此，不亦背乎？曰：風木之地也。孝子覽物思親，無往非道。其爲怡養孰大焉？於是元默曰：善。嗚安吾父母之心於九原，揚吾父母之名于百世者，固有在於斯乎？

望楓題

望楓者。蘄水徐大夫子元之志也。子元家居時。每出龍門。往西南瞻望。見其親之丘。有孤楓焉。於是每見楓。若見丘也。每見丘。若見親也。於是每望親。必望丘也。每望丘。必望楓也。既仕為南曹郎。飲食猶楓之在孟也。起居猶楓之參前也。宴息夢寐猶楓之在衾枕也。客有為之面其狀。子元展玩泣下。悅若遊蘄水之郊也。予嘆曰。子元且五十。而慕親之心如此。當非時之名卿哲大夫乎。或曰。古者樹楓丹陛。忠臣戀君。亦關俱一。

子元未
必及此
或聞斯
言而興
起乎忠
臣孝子
望雲望
關俱一

念天機
流暢處
先生固
迎機開
發之耳

望楓馬。或曰文王望道未見望斯二言則何如曰由子元之事觀之望楓於親即望君也。望楓於君即望道也。忠不出乎孝。道不外乎孝與忠。然則子元之志其逖矣乎。子元之學其勗矣乎。

靜樂得言題辭

靜樂黃日思自入太學以至官戶部爲母致政縉紳大夫多有贈言凡以贊其美而勉其不已於學也黃子輯編成帙矣他日過問名予謂當題之曰靜樂得言蓋君子以行爲本而人之言凡以助其行也苟得

人之言誦之於口唯之於心驗之於身毋忘其所已
能滋充其所未至則孟子所云是求有益於得者將
不在斯乎若或受之而少忽守之而不堅擴之而不
能充實光大以徒爲交遊之榮則於斯言也雖得之
必失之矣黃子於予以道相勗者也豈其然乎

介立題辭

介立者少室以南之支山也去汝上亦不甚近林子
曰吾名時字懋易隨時變易以從道也予深惡夫隨
也乃謂介立之山獨近于予遂取以自號焉涇野子

句句名
理真棘
門而射
前中紅
心者乎
日是毀
乃為圓
有不得
藉言權
矣

曰易不云乎介于石不終日貞吉夫子以為斷可識
矣蓋言明生於定也。故心之不定者得喪動於前禍
福變其操。知彰而不知微。知柔而不知剛。一身自以
為榮。萬夫不以為望矣。故三公不能易柳下齊卿不
足以滯孟軻者介也。昔者夫子大聖人也。學至三十
方能立。今人謂立為細開口。輒言權是故年未壯艾
而習傾倚。歲已耄耄而學。疆仆皆生於輕。立重權之
弊也是故泥途而有健步。其必攀緣者也。不然跬步
不能前。中道而有跛足。必其篤疾者也。不然千里必

可到故。君子寧求立而未至。不可未立而先權也。林子行已近立。乃其志又欲守乎介焉。則他日雖不惑知命之精。皆可學而至也。林子幸無謂介立之未效也。而有渝。

登瀛圖題辭

此永樂二十八宿登瀛圖。乃周文襄公之孫憲經允所藏者也。夫

文皇初命大學士解縉所選進者二十八人。文襄奮然以年少願學自舉。

文皇嘉其有志增爲二十九人夫二十九人自曾殿
撰而下雖文學名重一時然而如

聖諭爲學必造道德之微必具體用之全者以文襄
公爲首其他如王公直李公時勉陳公歡宗亦庶幾
焉若諸君子者雖或生年不永雖或秩位不崇固必
不論但可以比方文襄者亦鮮矣嗟乎微文襄之首
舉則二十八人者不幾于負

聖心乎乃然後知科第之不足貴而道德文章之著
惟有志者事竟成也。

以醒言
惺令人
心目俱
豁矣人
果不為
紛迷便
可悟太
真何事
不醒

日惺齋題

日惺者宜與杭錫賢扁其書齋以自警者也昔程子
論敬而謝上蔡以常惺惺法明之然則錫賢其亦上
蔡之徒乎夫惺猶醒也人睡以寐則不醒飲以醉則
不醒欲以迷則不醒內不見身心外不見天日與物
無異矣就其中以迷欲為甚而欲之迷也在人各有
所重惟於重者常以理喚醒則其輕者皆易矣至於
久積雖魯氏之三省皆可以究其旨而得其要也錫
賢年四十而向上無已因其問也遂書以興其志

九思誌銘題辭

邇寧波志九思先生云有近仁之資疾之革也摩三
兒之頂曰他日成立無忘吾師其師即凌波寧波舉
進士就教職於寧波不久視亡矣夫九思先生永訣
于其子者凡家事一不及而惟以報師爲言當其人
豈非朝聞夕死者乎然則汝成之所繼志述事者雖
如曾參一羊棗亦思其父至聞一貫以報先師可也

改亭題辭

改亭者何崑山方子時鳴之別號也亭既立且定矣

亭如此而敗也
駸駸乎佳境矣
彼樂園習地之
娛玩視此亭何
如也

何以又改乎初在溪北徙而建之南焉曰改亭或曰
惡其柱之欹也而正之惡其棟之撓也而隆之惡其
四門未闢八窓未啓也而廣之亦曰改亭焉方子曰
人之有斯身也猶家之有斯亭也一亭可以來萬人
一身可以備萬物身有失而不去即亭有欹撓而不
改故君子居斯亭以內訟其過也過而自訟復于無
過反身而誠其樂莫大亦又曰改亭焉涇野子聞之
曰方子其爲顏氏商湯之學乎孔子曰顏回不二過
仲虺曰惟商王改過不吝吾知方子匪獨爲改其亭

笑。

金陵贈意題辭

南秋官錢子貴行晉北刑部貴州司其僚同年率爲
詩歌以發其蒞刑明公聲動銓曹有此行也貴行持
謂予曰諸君子輦多褒辭衡顧吾涇野子一規戒之
以資顧視耳予嘆曰諸君子若言貴行爲師能得其
民之情也乃貴行自不滿假而求規戒豈非曾子所
謂勿喜者乎夫士之於刑得其情而喜之者固非也
乃有不得民情而喜者則謂之何不得其情而喜者

先生言
刑獨詳
豈以謂

國之典
民之命
天地之
和乎此
二三言
其一隅
耳

固非也乃有如其情而不知所以處之之道徒勿
喜焉則又謂之何然則貴行斯往雖得其情吾知不
徒勿喜矣或又曰峻法以徼名徇私以縱姦殺人以
媚人茲三者如得其情則謂之何曰有一於此豈惟
勿喜雖怒至壯頑奮不顧官可也

涇野先生文集卷之二十九

涇野先生文集卷之三十

後學北地李楨編校

跋

一舫齋跋

此一舫齋者歙人岩溪王先生之齋扁也賦君詩者
美一舫齋也世有七居惟君子爲能選焉好高者巢
居好下者穴居好山者岩居好水者舟居好功名者
朝居好利者市井居好德者天下之廣居居一舫齋
者好水居遨遊天壤托興湖海之上不知彼之浮沉
有九仞之知處所

泉乎

以終而世其亦古之風邪。

雙節集跋

呂子曰吾觀於雙節集而嘆祝氏劉氏之難能也年
三十二而守節焉豈惟可以教婦人哉生爲丈夫事
親而有背子定交而有怨友事君而有渝節之臣曾
祝劉氏之不若也雙節集行可以風四方矣弋陽鄭
人不得而私之也

三峽水無
風有浪

汝帖跋

汝帖不若絳帖之爾真也書入木石即失厥初詎惟

武庫中
色色俱
備挾千
金問價
不當一圭
璧耳先生
有夜光
之珠乎

汝帖哉。世遠筆湮。以跡模臨。得三遺七。取形去神者。
皆汝帖也。夫盡存意。尚可攷跡。在世亦可辨。故三代
之書。聖世之書也。其文典。兩漢之書。治世之書也。其
文樸。秦始渝古。變國之書也。其文奇。魏始通。晉苟國
之書也。其文淺。晉宋齊梁陳隋之書。亂國之書也。其
文治而滑。後魏北齊後周諸胡之書。盜國之書也。其
文麤而厲。唐衰矣。其文淫。于晉宋虛矣。其文燕。于魏

跋管仲姬墨竹趙子昂小簡

往嘗見管仲姬入宮爲元皇后寫竹幾七八十種。精

此簡如
宮然詞
且訴且
泣相思
俱在言
外旨深
哉

神幽思隨處發見曲盡變態幻若化工後有跋語亦
管自作辭染俱妙其通勁處如寫竹然蓋子昂所不
能及也今丘氏莊竹將無亦類乎若子昂之書獲覽
亦廣然多斌媚態蓋嘗評其劣於管之竹也此數簡
却有自在意當是老年後所作乎夫子昂宋宗室也
仕元以書翰重於其君而其內子之冊者亦爲元后
所軫嘉如此則古之所謂刑于寡妻者亦似若人乎

跋遊天台卷

涵濱黃仲通有遊天台卷爲台人周世瞻所畫曲盡

此是秋
夜涼色
淡月疎
屋空青
萬里

天台之勝他日仲通持以示予曰此中足跡目力所
到愛戀不能舍者也子其教我以遊乎予曰仲通肯
從予西遊終南博物乎此地伊呂周召之跡尚存不
歿涉涇渭而畢見登蹉我而可觀松赤不足捫芝紫
不足采委蛇窈窕之幽皆可求而得也仲通又肯從
予東遊太山乎論孟庸學之舊尚著未湮挾鳧嶧以
連脉傍洙泗以通靈眇漢禪而不視輕唐封以忘言
翠微竒嶽之處皆可求而到也是時靜菴周道通亦
在座笑曰仲通其無失相許之言乎既而曰其挾以

同往無遺我乎於是三人者皆欲撰杖履裝書劍飄然以遊不俟裹糧者矣

林氏世藏圖跋

右文昭林公少穎於宋紹興間所得勅辭其子孫寶藏相傳至今刑部正郎德敷則十數世孫也裝潢成卷以展於予蓋自秘書省正字以至爲福建叅議其詞翰皆在也夫文昭嘗論安石三經之非罪浮王何又因金人南侵作書抵當路言元和畏戰之弊風節凜凜至今猶有生氣誠有宋之名儒也然考其師友

文昭氣節傳之今日真

所謂正氣光史冊者也先生來章之而益張大其蹟不然趙無樞袖中簡耳

淵源初受學於紫薇舍人呂本中。其後東萊呂祖謙又受學於少穎焉。雖晦菴朱子亦聞少穎之風而興起者也。然則少穎入朝之節豈偶然哉。嗚呼。使紫薇不至閩。少穎或無此學。使少穎早至洛陽。以見二程。又或南至道州。以見濂溪。西至關陝。以見橫渠。則其造詣所成當又不止此也。然則德敷今日。續戎而光大之者。雖東至泰山。以訪孔顏可也。不然則所藏詞卷亦與書肆集本等耳。

跋空同子詩卷

此真空
同知已
故諸蓄
不盡之
意彼序
空同詩
看以目
相皮者
也

觀空同子與王溪子諸詩有蘇武李陵之志有建安
七子之質有二陸三謝之藻今之作者鮮見其比雖
使子美太白若在與之並馳齊驅未知誰其後先也
然予獨惜夫民病而俗頹憂世而樂學者寡竊或聞
一二焉而質愚力薄不克有往則又未嘗不興心於
斯人也向接空同子之貌如玉其言如春當其俊邁
雖顏孟可往而有也乃其爲詩至與七子二陸三謝
並無異何邪

巡歷邊關詩跋

近日邊
事多所
謂揚湯

予素不識兵亦未嘗經閱塞徼第聞人有探兵本晚
兵機者則知其爲善喜愛不已也即者大同之事以
國家全盛之兵圍孤城伐叛卒反至戕官軍耗公帑
殆千萬計久而後就定然猶爲一二兇首所脅則豈
其力之不足哉無亦當事者有遺計乎偶獲約菴中
丞巡邊諸詩則嘆曰世固當有此耳夫寡能敵衆邪
能勝正死能敗生下能干上此實勢之反常者也然
而間有至是者彼固有以蹶其本而瞰其機矣誠使
在此者有所先見焉于以制彼豈不如徙薪拉朽哉

止沸者
當事者
不知兵也
安得個
黨之士
以此跋
告之

浙中兵
民之變
正坐此
弊至今

古之君子所以尊俎折衝談笑却敵固非以兵爲玩
臨事而不惧者也昔約菴之在宣府也偶一二黠卒
欲犯總制頃刻亂者百千聚約菴方病卧起以數言
罵諭彼皆披靡自潰諸詩之旨固多此意乎然後知
古之名將伐謀爲上也雖然事發能識其機猶不如
先見以寢者之爲愈耳若乃事且垂成又于其機不
察而處之未當此唐室藩鎮之流害其事者又寧肯
踵襲之邪或曰聲罪則起變窮惡則傷善對曰事有
遺奸法有隱禍譬諸瘡癰根株不拔毒及四體古之

未有人
說破者
可恨也

征虓伐菴者。豈其道皆左手。斯予於約菴之詩深有
感焉。亦欲因以贊諸障邊者也。

南軒薛仁和傳跋

此蒲人薛南軒之傳也。僉憲丹陽殷君文濟所著也。
殷君嘗爲蒲大夫。知南軒以廉而黜。其子性以孝而
廢。乃作傳與論。以惜之。夫既謂廉能希伯夷。雖黜不
黜。既謂孝能過漢緹嬰。雖廢不廢。南軒已往矣。立身
行道。斬絕游行。不以一節之孝自足。而盡顯揚之實。
使南軒傳之千載而不沒者。則又在於性乎爾。斯其

爲孝廉也不又遠哉

涇野先生文集卷之三十

涇野先生奏疏卷之三十一

後學北地李楨

奏議

端大本以圖治平疏

臣患病在家卧聞

恩詔大赦天下臣民歡慶畿甸諸賊西夏叛逆其勢
固將摧沮矣臣愚謂大本未端終難平治伏願
陛下念天命可畏小民難保乘維新之日奮大有爲
之志日臨

朝宁即夜進宮

經筵日講無或停輟

躬親政事節省佚遊以德服遠風聲傳布民志斯定
宗社之福莫大於是內臣外臣亦得以久保富貴矣
如或不然臣恐四海缺望盜賊叛逆紛紛然滋蔓
雖有良將精兵亦不足恃不可不重慮也臣備員
近侍叨職

講筵躬逢

聖政維新雖當卧病義不容默臣昧死上言不勝激

切侯罪之至

勤聖學以圖治平疏

臣伏覩

陛下臨御經筵講求治道聲聞於外臣民歡慶臣竊
惟人君一身四海瞻仰繫屬人心勤學爲先誠能
勤學其樂無比蓋講究義理則此心明白如日中
天照見萬里之外用行政自得其當不亦可樂
乎自是志慮堅定精神完固壽命無疆視諸玩好
皆可輕矣不亦可樂乎自是德化流行格於上下

天心親愛不生災異民心悅服不生盜賊夷狄遠遁
宗社奠安不亦可樂乎自是優游

九重坐享太平內外臣人亦得以長保富貴不亦可
樂乎自是

聖名神聞爭光日月萬世之下與堯舜並稱不亦可
樂乎然勤學之事則又甚易

經筵日講俱有講官論說

陛下垂拱而聽甚易苟知一句即見之行不勞雕刻
文字甚易

聖王之學貴知切要今但看典謨論語大學

祖訓用之不盡不勞博觀泛覽以費精力甚易况

陛下天縱聰明無所不能若暫捨遊田觀逸之事以爲此至樂甚易之學未有不成功者臣非欲

陛下絕遊田觀逸也盖先勤學以安天下而後遊田觀逸爲我樂矣不先勤學以安天下即遊田觀逸不爲我樂矣昔周文王緝熙敬止咸和萬民斯享靈囿之樂元順帝廢學縱欲盛有臺沼我

太祖一舉而取之

陛下不可不深念之也即今蜀漢江湖盜賊日熾星殞地震頻年而見旱澇不均久無豐歲民之窮苦驚慌亦既極矣

陛下不可不棘圖之也臣備負近侍叨職講筵目擊四方變亂之不已心懼

九重淵默之未聞思維網領無過勤學輒陳謚言以瀆

天聽倘蒙

采納蒼生萬福臣不勝戰慄俟罪之至

應詔陳言以彌災變疏

臣聞

乾清宮災十八日聞

陛下側席求言臣憂喜交集莫知所措化災爲祥正在今日臣雖卧病義不容默臣惟變不虛生實由人召數年以來

陛下日事遊豫致使左右羣小蒙蔽

聰明廷臣隱默不肯直言政事顛倒上千天怒災出非常海內震驚而

陛下始形悔悟然此誠改過圖新之機

君臣交修之日也夫今

陛下所當修者有六一曰逐日

臨朝聽政用防壅蔽不宜恣事慢遊以聽

萬幾二曰還處

宮寢豫圖儲貳繫屬天下人心不宜日夜昵近諂邪

耗蠹

精神以忘

大本三曰

郊社禘嘗祗肅欽承以祈感格不宜輕褻

宗廟神祇使邊戍小卒或得以騁騎震驚四曰日朝
兩宮承顏順志化天下以孝道不宜廢畧

定省經旬忘迓五曰遣去義子番僧邊軍令各寧業
以清

禁院不宜雜處溷行忘貴賤分以損神威六曰各處
鎮守官貪婪者取回別用不宜導之侵漁上下交
征重爲民困六者畢具

君道立矣臣之所當修者有九宜先令翰林侍從諸

臣日輪數人佐以科道二員侍直文華殿凡前代興廢之由及天下利病及

祖宗創業艱難之狀令明白直說不許含糊推避雖陛下燕遊之地亦使逐日隨從應時承弼其或言不盡意仍令該官具疏以資啟沃此臣之當脩者一也其吏部用舍人材則當升進清介骨鯁恬退之輩用作士風其僇利奔競以賂得官者不拘大小俱宜察實攢斥下建納粟胥史之官雖或幹濟頗長然學術實䟽反淹科貢正途亦宜豫為消長抑

揚之計以清選法此臣之當脩者二也至若戶部之事民病尤劇如各處官吏因民貧富上下其差或大戶起稅淪及乞丐小戶存留不論千金或邊稅京稅積歲弗易或荒熟互隱科免任情或布繇折稅徇情多寡脩短或秋稅官糧偏重貧民不與處分或戶口附籍增減失實或釁獨力役影射者衆或民自鬻鹽複輸米鈔況在內者黃店以阻塞商賈包攬以勒取民財勢要中鹽者以侵奪民利故困苦無告借盜偷生俱宜通行改正此臣之當

修者三也禮部本以求賢爲治宜通行各提學官
遵守

祖宗成法凡生員入學入試先令里隣結勘良善無
過惡者方聽試驗文理不可因襲近年各立陋規
直取浮詞不論行檢以壞化源況其旌表節義或
不實收宦豎賞玉帶蟒衣或太濫是皆宜令執
奏改定此臣之當修者四也都督坐府大任也半用
檢人當擇團營軍士禁旅也多役私門當革錦衣
之官費以鉅萬半出民力當減邊塞之將倚以長

城多因賄舉當察不然一有驚棘內何以捍禦外
何以攻守司兵者將誰委咎此臣之當脩者五也
諛譖一入輒收風憲威富既行陰宥盜竊司寇不
能執臺諫不能劾棘寺不敢評是尚為有刑賞乎
此臣之當脩者六也工部財耗班匠半逋其鎮國
府豹房新寺酒店之作猶尔也况織造之繁繭絲
竭楊越之蚕蠶帳罄關隴之羔民興咀怨家思為
盜未聞執藝諫止乃方鬻爵以贖浪費遣使以剥
逃丁不知將置民何地而後已也此臣之當脩者

七也

祖宗設立科道本寄耳目之司今或依違不封駁懼懦不振厲間有直士又以罪譴是以言者不切切者不言彈劾者或緣讐辟舉者或計恩伏聞

本朝近侍官員交通外官者禁臣愚謂一應時行問遺請召俱宜革絕然後可以糾肅百僚振立綱紀此臣之當脩者八也百姓之命係守令守令賢否係監司撫按監司撫按之於守令也宜勿取譎佞乖滑勿抑篤實剛正勿以資格高下枉其薦黜其

諸犯既明者常即時問結不許委實容其夤緣其
罷軟貪酷者雖在四五品例得實即與

奏黜勿俟遲久遺憂地方其各該撫按官又宜令該
衙門推用平日廉正剴方之人不宜俟輪以為故
事脫或撫按官到任未洽滿期不職著聞該衙門
即便具奏取回別用另行推補緣此大責不宜
苟且取具此臣之當脩者九也九者咸舉臣職盡
矣夫能上下交脩同心一德若此臣見百政舉萬
民安和氣可召

天心可格災變可彌

祖業可守然其要又在

陛下從事問學正心脩身然後起居得宜用舍不錯
不然臣恐

帝天震怒之甚非浮言之可欺

祖宗構造之業將自是而不忍言矣臣久病生死未
可知行將與草木俱朽誠不忍負

陛下恩寵之至悔悟之誠是以昧死直言仰答

聖心伏惟

陛下矜察采用天下才甚臣不勝俟罪殞越之至

慎言語以精 聖學疏

即者臣省問

聖學御批曰該衙門知道臣竊謂天下政務各衙門
分理惟

聖學一事在

陛下所自勉進今臣問溫書記書不曾彼該衙門者
豈能代

陛下溫且記耶縱雖知道亦必如臣所請耳臣固知

陛下此答以臣卑微可忽狂妄可恕也但天下四夷聞此不曰

陛下棄臣之奏則曰文理不蒙不曰左右代批則曰好臣所教拒諫而拂經也一言雖小所損及大可不慎乎又其甚凡遇直言不回話罰俸則降調拏問庇姦諛傷忠良失天下民心是皆臣講官者平日論說未明乎理感格未至於誠致

陛下失言如此雖將臣貶謫誅戮以昭廢職亦不為過惟是

陛下冲年進學將舜察迺言禹拜昌言也豈宜不恤人言乎望

陛下急御講筵以造高明之域庶言出不錯絲如綸綍華夷胥悅矣况今閏月七月天氣即往年八月也時不可失學不可曠海內臣民瞻繫在此或謂臣若再有論講必又如前批然臣區區愚忠安敢謂吾君不能平

奉修省自効罷黜疏

臣伏觀

卷五十一
皇上因天示戒變服御門令百官同加脩省先日又
傳聞

皇上將端午諸戲俱令停罷臣仰喜

聖心之畏天俯懼臣職之未脩竊見自嘉靖元年以
來元日折象輦之軸陰風拔歟吻之劒臘月雷電
交作新正南北同震山陷地折晝晦天靈委的變
異非常不止久旱宜厘

大君之恐懼乃示群臣以脩省臣竊惟天道與人事
交通

主德與臣職相係臣官階雖卑職在以經術道義輔
主上於聖神伏自供職以來痛加脩省不職者十有
三事謹列上陳自求黜退臣聞學問常天心亦悅
不常庶民且議

先皇帝經筵又日講後被諛邪聲色蠱惑講論間斷
姦逆縱橫社稷幾危而不知

陛下所親見也柰何今年講書少於去年去年講書
少於元年今三月初講四月罷講若計一歲不止
一暴十寒

陛下自視天資比湯文孰優湯且日新文王且不已
矧

陛下年在幼冲豈可作輟違天所眷臣自省講說不
足以歆其好忠誠不足以勸其樂其不職一也我
明有天下者皆

仁祖淳皇帝后誕育

高皇帝之功可當百世不遷之祖每年四月十六日
二十二日忌辰也臣於元年二十二日適詣虔書
三禮口奏是日講書宣著黜服罷酒飯存忌辰其

言天行當年六七月間鳳陽地方大風拔木數百
大水漂人萬家切近

孝陵至今爲災不已乃

陛下尚不覺悟又於今十六日百官朝服賀上

章聖皇太后徽號夫

仁祖高祖之靈與天地通其忌日不憂已矣又以
爲大樂可平書曰高后不乃崇降弗祥其謂是
哉臣痛自脩省是皆論說未能懇惻所致不職
二也

陛下欲追祭

本生皇考恭穆獻皇帝於

奉先殿西側空室臣已嘗同侍讀湛若水等據經論
奏昨見切責九卿所議至有再違不饒之語禮工
二部懼而遵行太學士蔣冕執奏又未即從夫廟
有定制自虞夏商周至今然也空室之舉旣非七
九之數又非世室之名必欲行之

祖宗在天之靈豈能安乎漢光武立四親廟於洛陽
一聞中郎將張純爲人後者爲之子降其父母不

得祭之言遂罷其廟使守令侍祠臣言不能如張
純之動主不職三也

獻皇帝生有興國社稷人民受之

祖宗者也乃忽沒其邦名如舊為士庶人然雖加
殊號却是後來虛名又字義興起也盛也旺也若天
默定使

陛下以有天下之地也今而沒去兆恐不可且有二
統之嫌夫

陛下入繼太宗已

考孝宗今又

考獻皇帝詔書又加

章聖皇太后母凡兩聖字而

昭聖皇太后先有

聖母字後又沒之輕太宗重小宗分明二本臣亦嘗
同湛若水奏明宗法其言反不如冷褒改猶輩之
能行不職四也往在正德間用人惟貨惟諛故盜
起姦橫幾至亡國

陛下中興似更新之矣乃治不加進亂不加退龍者

謂奔競之風雖抑而未息節義之士雖錄而不用
舉者或挾恩刻者或帶讎柄用者或避怨則亦不
敢謂不然也臣不能敷陳修身取人之道不職五
也孔子曰見義不為無勇非其鬼而祭之諂也諂
則不福無勇則失義傳聞有設齋醮以惑

陛下者壞人心杜聖道傷國用莫此為甚臣不能開
崇正道以勝其邪說不職六也召虎曰防民之口
甚於防川而況於防臣之口乎今諸臣言傷切直
者或謫戍或削籍或罰俸少忤其意輒伺其私雖

在師保視若尋常未幾一年大臣去者六七陽無
誹木諫鼓之設陰有衛巫監謗之漸結忠臣口縮
諍士舌禍患將興而不聞危亂已萌而不知譬之
一身氣血不能周流則肢體麻木譬之兩儀上下
不能交泰故兩陽愆期而臣職在

經幄且不能以達况彼踈遠者哉痛自修省不職七
也方今江淮廬鳳之間水旱相仍饑饉連歲父殺
其兒而食其肉子乃其母而啜其血若乃兄弟割
割夫妻吞噬親戚剽餉則以為常矣天理民生斷

喪無餘古今罕見之災也而賑濟之權假手於姦
佞之輩其地方貪黷官吏敘遷如常故煮粥則粥
殺人散銀則銀誤人積骸成丘殘屍如莽報無虛
日書稱高后之言曰曷虐朕民臣手不能如鄭俠
畫圖以獻不職八也夫民之貧困至此極矣故雖
漕運額米亦折少半以濟荒乃今戚畹庵寺土木
之役動以千萬口日三升不及半歲京通二倉已
耗十三今歲不雨來年不收且勿論民庶人等即
百官諸宦豈能空腹以事

陛下乎臣頃分足食之書瀕講而罷不能陳其故以
救餓殍不職九也夫民之無食猶其無衣也柰何
又差內使織造東南是速之死也又行賑濟是剗
其腹心補其爪髮抽其皮骨與之飲食也臣自修
省不能如仲山甫之舉德以補衮衣之闕其不職
十也邦之刑法所以懲不軌詰姦慝也今或叛逆
十惡罪通於天陰行賄賂緩誅欲釋使爲善不知
勸爲惡不知畏以致寒暑失正風雷不時書稱天
討有罪臣誠未能講行其不職十一也昔

先皇帝傳奉太濫近衛之籍動以萬計

陛下即位已釐革其半曾未幾時仍開傳陞之門非
貴幸之弟姪則勢要之親屬也故祿簿月增其數
倉筭日減其儲此革勇不足以敵愾智不足以經
國乃使靡費民膏如此則雖彼類之有勞績才略
者亦耻與伍班臣不能講爵罔及惡之書其不職
十二也內彌盜賊外侮夷狄所恃者兵兵之不壯
豈士卒之過哉扣衣糧以折差出資裝以買閒驚
首級以救生一遇鉅敵是夷其股使跨馬折其肱

使轡弓彼且不爲賊禽者幾希臣故曰用千略不如用一廉用百計不如用一慈然方欲講足兵之書而不能上其不職十三也夫不職之事有一於此皆即可黜罰况臣所負至十有三者乎或曰階卑集議不及任輕言責不係可自寬也且修撰十有七年矣默待修書成而去亦可但臣念官聯史局懼虧

陛下他日之名職在

經筵恐玷

陛下今日之德故願如史佚並周召於成王之世不
敢爲聚子皇甫貽詩人之重刺也故如臣者先行
罷黜庶

君德有英俊以成就

天戒即頃刻可消彌而

陛下亦不可不以是爲脩省之實也

奉

聖旨呂柟這廝不修本等職業累次輕率大禮已定
了巧拾妄言故違前旨好生忤慢着錦衣衛拏送

鎮撫司打着問了來說

鎮撫司供狀

供狀人呂柟年四十六歲係陝西西安府高陵縣人由正德三年進士授翰林院修撰見在史館纂修實錄充

經筵講官狀供

皇上欲追崇

本生皇考恭穆獻皇帝上

本生母章聖皇太后徽號又欲追祭

獻皇帝於

奉先殿西側空室以盡迫切之情本年四月十九日

大詔天下稱明知

大禮已定不令故違

前旨說稱

仁祖淳皇帝后忌辰賀上

章聖皇太后徽號忌日不憂已矣又以為大樂可乎
是皆論說未能慊惻所致及說空室之舉既非七
九之數又非世室之名必欲行之

祖宗在天之靈豈能安乎其言不能如張純之動主

獻皇帝生有與國社稷人民乃忽沒其邦名如舊爲士庶人然雖加

殊號却是後來虛名

陛下入繼太宗

詔書又加

章聖皇太后聖母凡兩聖字而

昭聖皇太后先有

聖母字後又沒之分明二本等情又不合說

經筵日講豈可作輟皆柙講說不足以款其好忠誠
不足以動其樂正德間用人惟貨惟諂

陛下中興更新不能敷陳修身取人之道傳聞有說
齊黜以惑

陛下者不能開崇正道以勝其邪說諸臣言傷切直
者謫戍削籍罰俸柙職在

經幄不能以達江淮廬鳳之間父子兄弟相食手不
能如鄭俠畫圖以獻土木之役動以千萬口日三

升京通二倉已耗十三頃分足食之書瀕講而罷
不能一陳其故以救餓殍民之無食猶其無衣又
差內使織造東南不能如仲山甫之舉德以補衣
衣之關叛逆十惡陰行賄賂緩誅欲釋天討有罪
未能講行仍開傳陞之門不能講爵罔及惡德之
書內珥盜賊外禦夷狄所恃者兵方欲講足兵之
書而未能達通前十有三事委係大臣責任裨贊
卑集議不及任輕言貴不係委的輕率狂妄忤犯
聖聽以致自劾罪咎拏送到司問理明白所供是實

鎮撫司盡招覆題奉

聖旨大禮尊號出乎朕追崇達孝之情呂柟這厮不
修文業放引

尊號建室為由恣意狂率故違

前旨累次忤慢妄言拾掇本當重治不必擬罪姑從
寬送吏部降二級調外任該衙門知道

該吏部覆題降二級調外任與在外州判官品
級相等查得山西平陽府解州缺判官欲將呂柟
降除奉

聖旨是

申明監規以光 聖教疏

臣伏覩

聖皇以堯舜之仁興禮樂之治謂太學乃賢士所關
風化基本誤甄薄劣謬膺斯教臣等內省恐懼圖
報靡稱謹將應舉監規伍事上塵

聖覽如可採用乞

勅該部施行少裨治理臣等不勝戰慄瞻望之至奉

聖旨該部看了來說

計開

一舉人在監本以觀光

皇極薰陶群士今查實數以天下之廣止有二三十人蓋自會試之後或入監未久或就於禮部支稱他故駿奔原籍有志者固不廢學餘多交際郡邑業治門產侵凌鄉曲瀕及試期方攢監簿仍計水程覬圖撥歷未仕如此居官可知乞

勅該部將已未入監告回舉人移文各省定限行取坐監違限半年者准在監作曠三月計月加曠若

違至年半并通未入監故不至者免其會試庶幾士類知儆向學者衆安民有具

一歲貢入監即古鄉舉里選六德六行六藝之士也故稱四十道明德立近見歲貢中有二十上下者其德行焉考甚至禮讓未閑遇事與爭煽及例貢勢利相加奔趨為能殊壞士風是雖臣等無教亦緣各提學官嚴選貢之例慮有退貢懼貶已位故惟取詞章不論行檢遂使邊衛下邑質樸淪墜不獲一貢遲以數歲彼處學校與廢設同乞

勅該部轉行提學官當歲貢之期還於食糧年深三
二名內考取隨地方都鄙高下人材多寡列為上
中二等使遐荒亦有文物為齊民望方合

聖上一視無外之心然其文章只准聖賢遺書理明
辭達不專富麗若有蹈習兩晉六朝人語奇怪難
讀者俱從黜落仍必遵

祖宗卧碑監規叅取德行或注其平日某德某行于
卷面亦可縱無完人雖一德一行亦是真才其五
十以上無進益者照舊給與衣巾終身如果頑狡

虧行把持學校者徑自黜退不許冒貢入監

一納銀例貢在監者固有監規教條日就月將近奉
欽依聽其依親原籍亦得與考科舉此固可待志士
矣惟他無志者一旦還里挾富豪之勢恃監生之
名抗揖守令肆行鄉閭或兼服商賈不復知所嚮
往他日有官殃民不淺見今查有投文到監未及
旬日即逃回籍者數人乞

勅該部將依親例貢行各提學官歲考之時隨本學
生員量行試驗略用賞罰仍令轉行各府州縣正

官月一查其行業類報庶幾知進亦肯復守監規
其逃監及稱患病給假參箇月外者許臣等查報
該部處治重則削其名籍

一公侯伯已未襲爵未管事者例該在監習禮讀
書月支饌米以養蓋謂有文事斯有武備也舊規
日每在監其後偶從寬簡定以三八日期近臣等
到監間有二三人依期受書習禮者餘多不至蓋
此輩憑父兄之勢倚閹閹之家惟耽驕惰不修禮
讓平居如此一旦管事豈知練撫軍士之道乞

勅該部轉行各爵戒飾子孫使之敬業樂學以永保祿位與
國咸休若有違例又曠者許臣等指名叅題

一士必知古斯可通今儀禮一書乃成周致太平
之具臻鳳鳥之鳴者耶世行高堂陸所傳十七篇
者宋儒楊復又為圖解皆可習行近臣等選諸生
按圖學步自冠射鄉燕至士相見諸儀使士子閑
乎進退周旋之節養其中正和平之氣惜此書稀
少靡所取據而禮樂諸器舊多未完甚至陸館卓
案亦皆不具乞

勅該部重刊儀禮印裝一二百部并造前項禮樂諸
器卓案等事以便諸生游業足準大雅鍾鼓辟雍
周禮樂德樂語之義其諸生不能蔽律者乞

勅太常寺遣知樂官道數人轉喻諸生節奏音響

進呈書籍以永 聖教疏

臣等竊惟太學乃

天子之辟雍禮樂實

聖主之至教然治日休明頌聲自作故臣等近嘗具題乞
勅工部刊印儀禮圖解以便習禮公侯伯暨諸監生

肄業方欲舉行而監生盧堯文等先已聞風興起
旁求前書自行校寫倩工刊刻將大半矣顧今成
書比之舊本開朗精密足可按習臣等又謂當習
之禮內有用樂之處况興詩之教原在立禮之先
爰取詩經關雎以至玄鳥八九十篇皆關係倫理
切近身心者選知音監生衛良相等日在演樂廳
提調一百生徒倡之歌咏被之八音以調其六律
而正其五聲六館中亦各選年幼監生三三十人
晚監之後歌咏一篇使諸生收其放心養其德性

今衛良相等已寫圖按譜編次成書名曰詩樂圖
譜似亦可行矣此禮樂之書實西周文武成康之
盛多周旦召奭之作漢唐以來鮮克具舉惟我
聖皇在上敦復古道修明禮樂茲當

萬壽之期適就

中興之頌既可以考太平之景象尤足以瞻
至德之光輝儻

陛下于秋深春中之時或行養老之禮於太學以聽
鹿鳴乞言之雅或行大射之禮於澤宮以覽駟虞

官備之風真足以鼓舞髦士快覩萬姓而鍾鼓辟雍子來魚躍之治不得專美於周矣臣柟自蒞任以來又念

太祖高皇帝親製監規其為諸生之心真天地之生物父母之愛子也臣柟見諸生不能熟讀因逐章注釋其義或附以監中相沿條約名曰監規發明以便諸生誦習且使遠思

太祖垂訓之心而仰副

聖皇作養之意也然儀禮圖解繫已刊印成書欲行

給散詩樂圖譜及監規發明本監二三生徒亦欲
自行刊刻以便傳看臣等淺薄謬妄不勝戰懼之
至奉

聖旨該衙門知道

公薦舉以備任用疏

臣准南京兵部咨准兵部咨該太師武定侯郭勛
奏前事內一款訪舉將材題奉

欽依轉行南京府部九卿科道等衙門各一體遵照
施行備咨到臣臣有以知

陛下儆戒無虞張皇六師之意無時而已也臣竊惟
用將之道與用文不同為將之道與守經實異蓋
為將以得士心為本雖或有過可勿論也其材以
識邊務為要雖於厚爵可不惜也然惟持身之廉
者足以為士心所係有出群之材者足以知邊務
之急夫今日西北之所患者惟匈奴東南之所慮
者惟交趾然交趾在數千里之外其地遠而勢緩
匈奴在數百里之內其地近而勢強遠且緩一戰
勝之不足為武也但用得其人可不煩兵甲而來

王矣近且強屢被侵掠不可為常也必用得其人
使之經畧控制可不積歲月而遠遁矣臣素不識
諸將惟於西北聞一人焉如先任總兵周尚文者
亦遼東總兵馬永之亞也近雖有過偶為尚書唐
龍所論然而持身之廉類無與比其改過圖新思
壯邊圉以馬革裹其屍者亦本心也若起復原職
與見任總兵王効各統一邊聯絡于浩靈榆塞之
間并用馬永兼宣府大同總兵使會同梁震諸將
整搦士馬得其歡心以畜威養銳匈奴倘入三邊

兩鎮共為聲勢應援尋見駝喙不暇

陛下可無西北之顧矣又於東南聞一人焉如叅將
沈希儀者亦貴州總兵李璋之輩也臣舊雖未知
但為尚書霍韜所取然而却敵之功人尤稱雄其
運籌決策頗抒謨猷以長纓繫夷頸者亦本心也
若擢為副將與見任總兵柳恂并力兩廣驅馳于
憑祥分茅之地暫調李璋于雲南沅江等處使會
同黔國總兵規畫謀計求其要領以宣化布德交
趾雖叛三省四路共是招撫引諭尋見貢琛不暇

陛下可無東南之虞矣雖然匈奴旣靖南夷自服詩
所謂征伐玁狁蠻荆來威者是也如蒙

勅下兵部再行訪察如臣言不謬早為擢用施行奉
聖旨該部知道

慶賀 皇第六子生疏

臣等接到邸報伏覩

聖諭嘉靖十六年八月二十八日

皇第六子生欽此臣等屢際

大慶不勝懽忭竊惟

聖人以保四海為心

大國以垂萬世為重元良固表正乎晉天藩屏實鞏
維乎磐石麟趾發祥於公姓龜書逢吉於子孫蓋
不啻華封人之祝唐堯也仰惟

皇上道隆三代

德冠百王

大未格于

祖禰

至誠感于

祇化及樛木之先胤綿瓜瓞之遠繼此繩繩增錫
類於千億于焉亶亶廣令聞於

本支孚萬國之懽心寔

一人之有慶伏惟習性兆於初生正學基於蒙養雖
胎教之有素亦審喻之當先聞善言見善行若就
芝蘭胥保惠胥教誨不役耳目日培哲懿永奠

國家此皆

聖謨所預定而臣等拳拳以祝頌者也臣等職守留都游逢
大慶無任懽忻喜躍之至

問安奏疏

臣等接得邸報伏聞

聖上近少違和偶患

鬚瘍足瘡計今已當平復但

臣等聞之夙夜廩廩飲食不寧身雖在數千里外
心常懸

廷墀之側竊以

天生

聖人貞元會合剛健中正精粹完具

天地之所倚庇

百神之所純佑今此微疾或寒暄不時少失調攝乎
伏惟

聖學宥密

皇躬亶厚恒崇敬一積致中和嘉祥自臻勿藥有喜
可知也臣等又聞孔子之所慎者惟疾耳疾已瘥
而猶慎之者醫書所謂諸忌也惟望

皇上櫛沐步繇之際

膳羞居御之間益加意于慎忌于以節宣五氣葆願
元神百體從令實

宗社億萬年無疆之休臣等幸甚蒼生幸甚臣等下
情無任懇切謙馳

奏聞

安伸犬馬忱

慶賀 皇第七子生疏

臣等接得邸報伏覩

聖諭嘉靖十六年十二月二十九日

皇第七子生臣等竊惟

天休滋至徵

皇運之無疆

睿嗣森興寔

聖人之有道通觀前代之盛必裕後昆之繁蓋嘗詠
思齋之百男亦又歌假樂之千億也恭惟

皇帝陛下

德著誠明

功兼位育靈承

上帝于淵默祇事

九廟以肅雖吉夢疊見于熊羆瓜瓞自綿于沮添蓋

純佑于

神天宜鍾英于海嶽

景命錫于祚胤

千祿宜乎

君王

本支豈惟千百世藩屏可至億萬年四海騰歡百僚
交忭若乃蒙養以正審喻于先夏啓既賢敬承大
禹之道姬旦接踵共篤周室之光此尤
陛下之所軫念而臣等拳拳以祝頌者也

陳愚忠以重禮啟疏

臣不材備負前職方衰經哭臨

大行章聖慈仁康靜貞壽皇太后於喪次忽接邸報
陛下札諭輔臣謂墓次於

廟安

親為上豈忍啟

靈於風塵之間撼搖於途路之遠臣未能的知若果
然焉真

至孝之心神啓其衷

上聖之見動合乎道建諸天地而不悖質諸前後聖人而不惑者也但又云奉

慈宮南詣

合葬穴中必須

躬至

顯陵親臨調度臣又疑懼焉盖

陛下一身為天地立心為四海生民立命為

祖宗列聖宏基業為萬世開太平此其所為孝於

康宗皇帝

章聖皇太后者非淺小也一南詣

合葬豈足以盡

陛下之心哉臣願少抑

至情停止

皇輿以戒不虞

宗社蒼生之福也且舜葬蒼梧三妃未從禹葬會稽

塗山未祔

睿宗皇帝道同舜禹而

陛下豈當啓賢之能敬承者哉故今南

郊園丘北祀泰折義正如此寧又肯撼搖

聖母靈輒合葬承天以蹈非古之議乎如臣言謬妄
陛下果欲南詣以畢孝思然亦不宜卒遽舉動必先
立儲貳以繫屬天下人心選於群臣中如漢廷
汲黯真社稷臣者數人留後居守其宣府大同一
帶亦當先事簡調賢將委禦強虜昔名儒王通曰
舜一歲巡狩四方而民不怨讟者何兵衛少而徵
求寡也蓋舜好生之德洽于民心所至之處百姓
愛戴四方風動如手足捍頭目子弟衛父兄又奚

用兵衛徵求乎今縱未能如古其供億之費亦當
就近酌省處置而扈 蹕官軍無俾過多侵擾經
過小民亦為要計臣叨侍南禮聞

大喪禮儀一見之愚義不容默謹具奏

聞

奉

聖旨禮部知道

慎重山陵大禮疏

臣近聞

顯陵事體頗有渟水益緣

玄宮初制渟廣故也夫山下出泉雖北方依山制牆
渟亦多水况卑濕之地氣蒸泉漬其下渟水不足
恠也恭聞

皇上南詣與諸左右大臣周閱山川更卜吉兆此其
大孝之心可謂曲盡其誠矣但傳聞原地山水拱抱
風氣環聚

玄宮之內瑞霞溫暖碧渟清湛其壺穴以上土皆乾爰
聖天子龍興之源自是如此實非敢誣理亦不宜改

也臣嘗晝夜熟思宜先作香木密閣高止丈餘有門啓閉表裏髹漆令無罅隙內容香木皮凡貳張前張高壹尺貳寸後張高九寸通置

顯陵殿神位牌下擇日請事重修於

顯陵前開隧道昇奉

睿宗皇帝梓宮于

密閣香几仍用新絮斲陳漆于

梓宮上面以至四周俱令堅厚功至旬月方漆其底厚亦如前即有內水久亦滲溜其重修之儀出土外壤堆置于東西後三面壤外淺溝上作席

屋崇脊以覆其壙若遇驟雨令其走水有泄爰
從

玄宮之底就用壤土自下而上納土壹層提杵壹遍
俱令結實築至去地面丈有貳尺酌用宋儒朱
熹灰隔之法平鋪木炭末于下厚方三寸以驅
樹根水蟻方用石灰三分細沙一分黃土一分三
合篩勻以松葉水灑拌杵築三尺其上方起九寸
之臺奉安

梓宮宮旁密通周立石柱圍玖寸上安石梁梁圍七

寸覆以寸半石板傍柱東西後三面俱用薄板隔
立內與柱齊依前法用三合土周附板柱築厚一
尺石板之上亦用三合土一尺外各施炭末若灰
隔既完絕無縫隙乃取甃石於灰隔外甃作券洞
亦用三合土泥塗券洞外周匝瀕至乾老然後奉
厝

梓宮掩其前面金門亦用三合土炭末俱如前法其
金門前

殿廡明器諸儀只宜准取漢霸陵瓦器為長久安

陳旣畢方填土掩壙封起

山陵可萬世無慮者也臣前奏欲准舜禹之喪三妃塗山皆未之從只請

章聖獻皇后土葬其脩

玄宮亦如此法若

陛下必欲南

祔則又當宏廣其

玄宮之尺度矣若欲奉遷

顯陵合葬于土亦惟通用前法然總不如原地有陰

之愈也此

山陵大禮

聖謀神猷自有

宏規但臣叨侍南禮有犬馬一得之愚不敢隱默惟
聖皇覽采焉

殿試策

附錄

皇帝制曰朕聞人君所當取法者惟天惟祖宗唐虞
三代之爲君皆法天法祖以成盛治載諸經可考
其有曰代天曰憲天曰格天曰率祖曰視祖曰念

祖同乎異乎抑所謂法祖爲守成而言也彼創業垂統者又將何所法乎漢唐宋以降法天之道殆有未易言者何以能成其治乎抑以有自法其祖者矣何以治之終不古若乎朕自嗣位以來兢兢焉惟

天命是度

祖訓是式顧猶有不易盡者天之道廣矣太矣不知今日所當法何者爲切傳有謂刑罰以類天震懼慈惠以效天生育者果可用乎我

太祖高皇帝之創業

太宗文皇帝之垂統

列聖之所法以爲治者布在典冊播之天下不可悉
舉不知今日所當法何者爲先且急史有謂正身
勵已尊道德進忠直以興祖宗令德者果可行乎
茲欲弘道行政以仰承

眷佑延億萬載隆長之祚子大夫應期嚮用宜有以
佐朕者其敬陳之母忽

臣對臣聞人君之法天也不外乎盡其仁其法祖

宗也不外乎盡其孝蓋人君之有天下其原命于天其始也傳之于祖宗祖宗不以天下徒傳乎我必以創建之法而并遺之天亦不徒與我以天下其聰明之則固望我舉而行之以喻天下爲也故仁也者法天之本也孝也者體祖宗之心以致其法之之實也苟不以仁法乎天而惟任己意以肆行于萬姓之上則民之蒙殃者多矣法天矣又或舍祖宗之舊以爲不足事焉則聰明之作舊章之亂適足以動天下之紛紛也故曰惟仁人爲能法

天惟孝子爲能法祖宗故曰惟仁人爲能享帝惟孝子惟能享親於戲此唐虞三代之聖主無體仁孝之道而不累者之所能爲彼漢唐宋諸代者褻天逆祖漫不知法且或法之而未盡然又并其祖宗之法亦有不可法者是其可同日語哉欽惟

皇帝陛下紹

列聖之洪休撫諸夏之大業蓋大有爲于天下而謂草野之下亦或有明上天祖宗之道習仁孝之說而知其旨可以裨補治體者乎未可知也乃進臣

等於廷特以此策之蓋非徒以循舊規爲也臣
敢不以所聞於師友者披瀝罄竭以仰副

聖心之萬一乎竊嘗讀詩書而知帝王法天法祖之
實矣皋陶之告舜曰代天傳說之告高宗曰憲天
高宗亦以伊尹佐成湯之格天者告諸傳說然代
言者天不能有爲而假手於君也憲言者惟天聰
明君當效以致治也格言者不違乎上帝之則而
能享天心也之三者言雖異均之爲法天也商之
太甲不明厥德而伊尹之所以告之者不曰率祖

攸行則曰視乃烈祖周成王以幼冲之資而在位
周公則以無念爾祖聿修厥德之詩訓之然率云
者以高宗爲據依而持循之不敢違也視之者因
其已然之度取而鑒之也念之也不敢有所遺忘
常存於心而思見諸政事以爲的也之三者言不
類均之爲法祖也然法祖之事不獨見於守成之
主而亦行於創業垂統之君故禹之始有夏也率
帝之初湯之始有商也續禹舊服武王之始有周
也乃及商政政由舊何嘗無所法而自我作古乎

夫帝王法天之事無不同者以其此心之仁無或異帝王法祖之事無或異者以其此心之孝無不同故當時黎民有時雍之美四方有風動之休聲教四訖于海外萬姓悅服于域中治隆俗美卓乎不可及矣自是而降漢唐宋之君或責躬以水旱或從事于封禪或信奉乎天書數固自以爲法天也然水旱責躬者可矣封禪天書何爲者哉雖或致富庶之效成斗米三錢之政得安內攘外之功皆其恭儉慈愛之一節所及固不敢直以法天許

之也或謂其自有制度或欲倣貞觀之初或屢行
紹述之政數君固自以爲法祖也然倣貞觀之初
者可矣彼自有制度屢行紹述者何爲者哉故不
雜於霸則雜于夷且并其祖宗之法而廢之如是
而曰法祖臣不知也是何也有法天之名而此心
之仁則不足無法祖之實而此心之孝有未至無
怪乎其然也然又有由然矣漢初制度襲秦唐初
閨門慚德宋雖惠愛有餘而譎詐亦未嘗不足貽
謀不臧已如此矣而欲子孫者有所法固有不可

得者然則能法天法祖者固在今日矣今

陛下仁以爲心是以

天命是度矣孝以爲念是以

祖訓爲式矣而猶有不易盡之嘆臣有以真知

陛下此心之仁仰不愧天此心之孝前不愧乎

祖宗矣臣請以

聖制所及度乎

天命式乎

祖訓者終陳之夫天之道雖至廣而無所不有雖至

大而無所不包然切於所法者其道不越乎二端而皆謂之仁也何者天以春生萬物以夏長萬物以秋殺萬物以冬終萬物生長者仁也殺與終者亦仁也故天有春夏王者則有慈惠之政天有秋冬王者則有刑罰之施二者不可偏廢也故春秋於桓公不道王法不及則因穀鄧之朝而不書秋冬之二時成公懦弱政事舒緩其二月固以無米書之也子叔曰刑罰以類天震曜慈惠以效天生育者良有以哉故願

陛下以慈惠爲事與則爲惡者不知所懲而長姦究之風頽以刑罰爲事與則爲善者不知所勸而挫淳良之志雖然慈惠可過也刑罰不可過也故天道之春夏常以長養爲事而秋冬則積于空虛不用之地若是者可不知所以審重于其間乎知所以審乎輕重則其以仁存心者當無不至矣我

太祖高皇帝之創業

太宗文皇帝之垂統及於

列聖之所法以爲一首布之方冊播之天下雖不可

以悉舉然其大要不過脩己用人而已昧爽臨朝
晡時還宮便殿則閱奏牘閒暇則覽經史節儉則
服補緝澣濯之衣殿廡則書洪範大學衍義之文
其修己之勤類如此陳過逸士也則走幣以聘劉
基宋濂臣下也則以古君子吾子房稱之而不名
聞宋思顏之言則監一虎一熊以賜群臣納許好
問之諫不以縣令之卑而拒也其樂於用人類如
此然則今日所法之當先且急者尚有過於斯者
乎故李絳謂唐憲宗曰正身勵己進忠直尊道德

以與祖宗合德者豈有不可行者哉以是爲行則其所以永言孝思者將無不至矣但恐

陛下意念之間一有不存而於仁孝之意少乖則刑罰慈惠之加或不能盡得其當而脩己用人之間必有可議者矣不惟亂民之心志實能感天之變異昔魯僖公三十三年冬殞霜不殺菽李梅實哀公問於仲尼曰春秋何爲記此對曰天失其道草木猶犯之而况君乎漢武帝以義縱守定襄一日報殺四百餘人郡中不寒而慄是故宜殺不殺與

不宜殺而殺其感應天道如此也往年桃李秋華地震彗飛亦可謂非天之譴矣將

陛下之於刑罰亦尚有未盡仁者乎孔子曰政寬則民慢慢則糾之以猛猛則民殘殘則救之以寬寬猛相濟爲政之體議者猶以爲使民至于慢殘而後救爲非孔子之言議者罔知則可議者如有知也則夫民殘矣而不改絃易轍者可爲之恬心哉慈惠之施莫大於賞賚賞賚當則人以爲榮而能生育矣不當則人不以爲榮而不能生育矣

陛下初即位即賜天下長老其臣也加秩進階其民也帛肉冠帶之天下之爲子弟者罔不慶幸曰堯舜之德不此過也惟願

陛下寵賚賜予不私近侍博施兼獨則所以生育萬民與天之生育萬物者其爲仁也均矣逸樂之事雖聖人所不免惟不可過耳勤儉雖常人之所同惟夫履崇高之位當富貴之極者躬行之斯可讚也故益戒舜以罔淫于逸樂而舜重以勤儉稱禹蓋逸樂則無宜豫之凶德可崇勤則體日新之民

業可大儉則獲安節之吉百姓富斯三者不盡而
曰法祖以脩身臣未之前聞也禮言王者太傅在
前少傅在后入則有保出則有師是以教訓而德
成也臣前述

祖宗之於陳遇劉基宋思頰者正以此耳然則

今日之尊道德者果若是乎唐臣陸贄曰諫者多
表我之能好諫者直表我之能賢諫者之狂誣明
我之能恕諫者之漏泄彰我之能從有一於此皆
爲盛德然與其得狂誣漏泄者又不若得多且直

者之尤盛也多且直者不可得則亦得其狂誣漏
泄者已耳狂誣漏泄者亦不可得無乃

陛下之怒與從有未盡然而又何以進忠真耶

陛下果能於斯仁孝之道真有以得之於已則天理
流行而人欲之私不能淆雜於其中愛敬充周而
逢逆之意不能潛藏於其內

陛下之心即

上天之心

陛下之志即

祖宗之志好生之德薄海外而沾濡

光前之業裕後昆于無窮矣然臣復有獻焉法

上天

祖宗之道固在盡仁孝之心然非有所學焉則固無
以有諸已矣夫學亦不可以易言也蓋心樂乎此
則其學之也必專且成不然雖師保強勉之苦亦
爲徒爾苟於

深宮便殿之中從事於讀書窮理之間不爲章
句文藝之習日與大臣薰陶漸染講明切磨則

見

聖心之開明者愈益開明如日中天祇見夫義理之
爲樂自貪慕好愛之不厭而玩好逸遊之事便僻
巧佞之語舉不足以撓其中矣仁之全德大備于
克治之餘孝之懿行益廣於續戒之頃道無有乎
不弘政無有乎不舉

皇圖鞏固于不拔人心荷戴于無窮惟

陛下采納焉臣干冒

天威不勝戰慄隕越之至

議

明光祿大夫柱國太子太保戶部尚書贈特
進大傅韓公謚忠定議

太傅太司徒質庵先生洪洞韓公之薨也既謚忠定
矣其孫戶部主事廷偉請議其故以彰

聖恩揚祖德呂柟曰昔者周公不云乎爲人臣者殺
其身有益於君則爲之況于其身以全其君乎公
始官給事薦起冢宰曹南李公司馬河州王公事涉
近倖觸

憲宗皇帝怒幾不獲免辭色自如及在武廟位晉司徒官瑾八黨肆姦橫行縉紳側足公倡率群工抗章伏闕罪人未得瑾亦自張矯詔繫公與死爲隣褫職閑住及瑾既誅得復舊銜至有今

恩公以直始亦以直終斯豈非危身奉上之忠乎法曰大慮靜民曰定安民大慮曰定安民法古曰定純行不二曰定公之爲湖藩也節費儲穀禁貪賑窮平稅理冤視民如子其巡撫荊豫叅贊南都乃益蠲租救荒發金分濟或令官軍預支俸糧以砥穀價士民

全活及其在司徒也孝廟孰知忠亮益法積弊漸次
刊除邊餉馴充羽書一急經叢集義惠滋茂此其一
志民瘼致躬弗渝於安民大慮純行不二之迭其何
詭諸斯不亦爲定乎公家居時裨應召過晉齋沐謁
公黃髮朱顏吟咏不休後生小子承籍獎進言歸二
物天錫易名孰不允稱我思巴人蹇公亦若茲謚然
尚有買田自汙之疑有宋漢人張公亦若茲謚然猶
有節義或虧之疵豈若公終始無瑕明德一致展與
謚稱於戲公茲永終譽矣

涇野先生文集卷之三十一